

Iban - Pengelepas Bup Kudus - Salvation Scriptures

Epesus 2:2 lebuh kita agi diau nurutka sida, nitihka chara dunya, nitihka pemerintah ti merintah kuasa ti di langit, iya nya roh ti benung bekereja ba orang ke enda ngasika Jehovah Taala.

Matthew 6:10 Datai meh Perintah Nuan. Nyadi meh peneka Nuan di dunya enggau di serega.

Luke 22:42 "Apai, enti Nuan deka, ambi mangkuk tu ari Aku; ukai nitihka peneka Aku, tang awakka peneka Nuan nyadi."

John 16:7-9 Tang enggau bendar Aku madah ngagai kita: kita untung enti aku mupuk, laban enti Aku enda mupuk, Penyaup enda datai ngagai kita. Tang enti Aku mupuk, Aku deka ngirumka Iya ngagai kita. 8 Lalu lebuh Iya datai, Iya deka ngayanka dunya amat salah ba pasal dosa, ba pasal pengelurus, enggau ba pasal ukum: 9 ba pasal dosa, laban sida enda arapka Aku;

2 Timoti 2:10 Nya alai aku natka semua utai ke penguntung orang ke udah dipilih Jehovah Taala, ngambika sida mega tau bulih pengelepas enggau mulia ti meruan belama iya dalam Jesus Kristus.

Rome 15:20,21 Nya alai juluk ati aku endang seruran deka nusui Berita Manah, ukai ba endur alai orang bukai udah madahka pasal Kristus, enggai ke aku nirika eklisia ba pugu ti didudukka orang bukai, 21 tang, munyi ti udah ditulis, "Orang ke nadai udah kala dipadahka pasal Iya, deka meda lalu orang ke apin kala ninga pasal Iya, deka mereti."

Surat pasal Kereja Rasul 2:36,37 "Nya alai, awakka semua orang Israel nemu enggau terang: Jesus ke udah diregang kita, udah digaga Jehovah Taala nyadi Tuhan enggau Kristus!" 37 Lebuh orang mayuh ninga nya, ati sida balat tusah. Sida lalu bejaku ngagai Peter enggau ngagai sida rasul ti bukai, "Menyadi, nama utai ti patut dikereja kami?"

Hebrew 4:2 Laban Berita Manah ti didinga kitai sebaka enggau Berita Manah ti didinga sida, tang pesan ti didinga sida nadai pulai ke penguntung sida, laban sida enda nerima pesan nya ngena pengarap.

Jeremiah 24:7 Aku deka meri sida ati ti keran deka nemu Aku ti TUHAN. Nya baru sida deka nyadi nembiak Aku, lalu Aku deka nyadi Jehovah Taala sida, laban sida deka pulai baru ngagai Aku enggau pengabis ati sida.

Surat pasal Kereja Rasul 16:14 Siku indu ke benama Lidia, ke nyembah

Jehovah Taala, mendingka kami duai. Iya datai ari nengeri Tiatira, lalu iya bejualka kain ungu. Tuhan muka ati iya, ngasuh iya keran deka mendingka utai ti disebut Paul.

Matthew 13:14,15 Ba sida tu meh jaku nabi Isaiah dikamatka: ‘Kita amat deka mending, tang enda mereti, lalu kita amat merening, tang enda meda. 15 Laban sida enda nemu berunding, lalu pending sida bengal, lalu sida udah nutup mata sida, enggai ke sida meda ngena mata sida, lalu ninga ngena pending sida, lalu mereti ngena ati sida, lalu nguingka diri ngagai Aku, lalu Aku ngeraika sida.’

Isaiah 6:9,10 Iya lalu ngasuh aku mupuk lalu meri pesan tu ngagai orang mayuh: “Taja pen kita bebendar mending, tang nadai meh kita ulih mereti. Taja pen kita bebendar merening, tang nadai meh kita ulih meda.” 10 Udah nya iya lalu bejaku ngagai aku, “Awakka untak sida enda nemu berunding, bengal, sereta buta, ngambika sida enda ulih meda, ninga, tauka mereti enggai ke sida nguingka diri ngagai Aku, lalu digeraika.”

Mark 4:11,12 Lalu ku iya bejaku ngagai sida, “Kita udah diberi misteri pasal Perintah Jehovah Taala, tang ke orang ti di luar, semua utai diberi ngagai sida ngena jaku sempama, 12 ngambika sida merening tang enda meda, mending tang enda mereti, laban enti sida mereti, sida deka nguing ngagai Jehovah Taala, lalu iya deka ngampun sida.”

John 12:39,40 Nya alai, sida enda ulih arap, laban Isaiah mega nyebut, 40 “Iya udah ngasuh mata sida buta lalu ngasuh ati sida kieh, ngambika sida enda ulih meda ngena mata sida, lalu enda ulih mereti ngena ati sida lalu nguing -- lalu Aku ngeraika sida.”

Rome 11:7,8 Nama deh? Orang Israel nadai bulih utai ti digiga sida. Orang ke dipilih Jehovah Taala bulih utai nya, tang sida ti bukai kieh, 8 munyi ti ditulis, “Jehovah Taala udah meri sida roh luput, mata ti enda meda enggau pending ti enda ninga, nyentuk ngagai sehari tu.”

2 Tesalonika 2:10,11 enggau semua macham tipu ti jai, ba orang ke deka mati, laban sida enggai rinduka pemendar ti ulih nyelamatka sida. 11 Nya kebuah Jehovah Taala ngirumka siti kuasa penipu ti besai ngambika sida arapka utai ti pelesu,

Matthew 13:18-23 “Nya alai pendingka sempama penabur benih. 19 Lebuh orang ninga pesan pasal Perintah Jehovah Taala, lalu enda meretika pesan nya, Sitan datai lalu ngerampas utai ti udah ditaburka ngagai ati orang nya. Nya meh leka benih ti labuh ba jalai raya. 20 Nyadi benih ti labuh ba tanah ti bebatu nya orang ke ninga pesan nya lalu tekala nya

nerima iya enggau ati ti gaga. 21 Tang iya nadai urat, lalu semina tan enda lama aja. Lebuh iya dituntung penusah tauka pemerinsa ketegal pesan nya, iya lalu tekala nya mungkir. 22 Benih ti labuh ba madang duri nya orang ke ninga pesan nya, tang pengangkun iya ke dunya, enggau ke pengaya ngalahka pesan nya, lalu pesan nya enda ulih bebuah. 23 Nyadi benih ti labuh ba tanah ti ami nya orang ke ninga pesan nya, lalu meretika iya. Iya lalu bebuah, siku seratus leka, siku enam puluh, lalu siku tiga puluh.”

2 Korint 3:15,16 Indah nyentuk ngagai sehari tu, genap kali Adat Moses dibacha, deh runding sida agi mengkang dipampul kain tambai; 16 tang lebuh orang nguingka diri ngagai Tuhan, kain tambai nya dibuai.

Isaiah 30:28 Iya ngasuh ribut muput di mua Iya baka ai bah ti nabanka semua utai. Ribut nya ngerusak semua bansa, lalu ngemuntanka semua pelan sida ke jai.

Hosia 11:3-7 Aku udah ngiring lalu ngajar orang Israel bejalai. Aku udah merap bala nembiak Aku tang sida enda ngaku Aku udah ngeraika sida. 4 Aku nguluka sida enggau penelap sereta enggau pengerindu. Aku ngangkatka sida ngagai kuyu Aku. Aku ngenduk lalu nyapi sida. 5 “Sida enggai pulai baru ngagai Aku, nya alai sida enda tau enda pulai baru ngagai menua Ejip, lalu Asiria deka merintah sida. 6 Nengeri sida deka diserang, lalu pintu nengeri sida deka diruntuhka. Perang nya deka ngerusak bala nembiak Aku laban sida ngereja utai ti dikumbai sida manah. 7 Nembjak Aku keras deka ninggalka Aku. Sida ngangauka Iya ti Pemandu Tinggi, tang Iya enda ngangkatka sida.

Surat pasal Kereja Rasul 26:18 ngambika muka mata sida, ngambika sida nguingka diri ari pemetang ngagai penampak, enggau ari kuasa Sitan ngagai Jehovah Taala, ngambika dosa sida diampun, lalu sida nyadi raban orang ke dikuduska ulih pengarap sida ke Aku.’

2 Timoti 2:24-26 Lalu ulun Tuhan enda tau belaya, tang patut nelap enggau semua orang, landik ngajar, liat ati, 25 lalu enggau penyiru ngerara orang ke ngelaban, ngarapka Jehovah Taala deka ngasuh sida nesal ati ke dosa sida lalu nemu pemendar, 26 lalu ulih ngelepaska diri ari panjuk Sitan ti udah nangkap lalu ngasuh sida ngereja utai ti dikedekaka iya.

Pemandang 3:17-19 Laban nuan nyebut, “Aku kaya, bisi semua utai, lalu nadai suntuk utai,” tang nuan enda nemu diri merinsa, tusah, seranta, buta sereta telanjai. 18 Nya alai, Aku ngajar nuan meli emas ari Aku, emas ti udah dituchi ngena api, ngambika nuan nyadi kaya, lalu meli gari ti burak kena nuan mungkur tubuh nuan ti telanjai, sereta meli minyak

kena nuan ngunsut mata nuan, ngambika nuan ulih meda. 19 Aku nganu sereta disiplin semua orang ke dikerinduka Aku. Nya alai, diau menyana, lalu nesal ati ke dosa nuan.

2 Korint 7:10 Laban ati ti tusah ulih peneka Jehovah Taala, ngasuh kita nesal ati, lalu ati kita ti nesal mai kita ngagai pengelepas. Nya nadai ngasuh kita ngesal. Tang ati ti tusah ulih peneka mensia, mai pemati.

1 Raja 18:37 Saut aku, TUHAN, saut aku, ngambika orang tu nemu Nuan endang TUHAN Jehovah Taala, lalu Nuan deka mai sida pulai baru ngagai Nuan.

2 Korint 4:4 Ba pekara nya, petara dunya udah mampul runding orang ke enda arap, kena nagang sida meda penampak Berita Manah pasal mulia Kristus, ke sebaka gamal enggau Jehovah Taala.

Luke 8:11-15 “Tu reti sempama nya: benih nya jaku Jehovah Taala. 12 Benih ti labuh ba jalai raya nya orang ke ninga. Udah nya Sitan datai lalu ngerampas pesan nya ari ati sida, ngambika sida enda arap lalu enda diselamatka. 13 Benih ti labuh ba batu nya orang ke ninga pesan nya, lalu nerima iya enggau ati ti gaga. Tang sida nadai urat. Sida arap enda lama, lalu lebuh penguji datai, sida badu agi arap. 14 Benih ti labuh ba madang duri nya orang ke ninga, tang lebuh sida mupuk ari endur nya, sida alah laban pengirau, pengaya, enggau pengelantang dunya, lalu buah sida enda mansau. 15 Tang benih ti labuh ba tanah ti ami nya orang ke ninga pesan, lalu ngingatka iya dalam ati ti manah sereta ngasi, lalu sida bebuah enggau ati ti liat sereta tan.”

Surat pasal Kereja Rasul 15:11 Ukai baka nya, tang kitai arapka diri deka diselamatka ulih pengasih Tuhan Jesus, baka sida.

Rome 8:13 laban enti kita idup nitihka peneka mensia, kita deka mati, tang enti, ulih Roh Kudus, kita munuh pengawa ti bedosa ti dikereja tubuh kita, kita deka idup.

**Pastor T. John Franklin
Church of Salvation, Healing, and Deliverance
COS-HAD.org**